

რუსულან კაშია

დამფუძნებელი პრეზიდენტის არჩევნები ქუთაისური პრეზიდენტის მიხედვით

დემოკრატიული საქართველოს წინაშე უმთავრეს ამოცანად იქცა საქანონმდებლო ორგანოს — დამფუძნებელი კრების მოწვევა.

ქართული საზოგადოებრიობა ჯერ კიდევ 1905წლის რევოლუციის დროს უერთდებოდა მოთხოვნას დამფუძნებელი კრების მოწვევის შესახებ (გ. ჭჭედლიძე, 1993, გვ. 227-228).

დამფუძნებელი კრება უნდა ყოფილიყო უფრო ლეგიტიმური არჩევითი ორგანო, ვიდრე ეროვნულ საბჭოს საფუძველზე შექმნილი პარლამენტი.

საქართველოს პარლამენტის მიერ სათანადო კანონის მიღება გაჭიანურდა შინაპოლიტიკური გართულებებისა და ქვეყნის საზღვრებთან შექმნილი საფრთხის გამო. პარლამენტმა 1918წ. 22 ნოემბერს დაამტკიცა “დამფუძნებელი კრების არჩევნების დებულება”. იგი ითვალისწინებდა საყოველთაო, თანასწორი, პირდაპირი და ფარული კენჭისყრით 130 წევრის არჩევას. პროპორციული წესით არჩევნებს ატარებდა ცენტრალური საარჩევნო კომისია. ასევე სამაზრო, საქალაქო და სასოფლო საზოგადოებათა კომისიები.

საყოველთაო არჩევნების გზით არჩეულ დამფუძნებელ კრებას უნდა განესაზღვრა საქართველოს დემოკრატიული რესპუბლიკის მომავალი პოლიტიკური მიმართულებანი, მიეღო კონსტიტუციია და ჩამოეყალიბებინა სახელმწიფოებრივი სტრუქტურები.

არჩევნებში მონაწილეობდა 15 პარტია და პოლიტიკური ჯგუფი. მათ შორის: ეროვნულ-დემოკრატიული, სოციალ-ფედერალისტური, ეროვნული პარტია, სოციალ-დემოკრატიული, ესერთა, დაშნაკუტიუნი, მაშვრალთა პარტია, რუსი სოციალ-დემოკრატები, რუსთაველის პარტია, ესთეტიკოსთა პარტია და სხვ. ბოლშევეკიურმა პარტიამ არჩევნებს ბოიკოტი გამოუწადა.

მთავარი საგიტაციო საშუალება ამ პერიოდისათვის პერიოდული გამოცემები იყო, აქედან გამომდინარე, არჩევნებში მონაწილე პოლიტიკური პარტიები, ძირითადად, გაზეთების მეშვეობით ეწეოდნენ საარჩევნო აგიტაციას.

XXI. დასაწყისის ქუთაისი ბეჭდური მედიის მრავალფეროვნებით გამოიჩინდა. შედარებისათვის მოვიყვანთ სტატისტიკურ მონაცემებს: 1912 წელს თბილისში 13 პერიოდული გამოცემა გამოდიოდა, იმავე წელს ქუთაისში იბეჭდებოდა 18 დასახელების გაზეთი, უზრნალი და ალმანახი. საზოგადო მოღვაწე დიმიტრი მესხი თავის “შოგონებებში” აღნიშნავს: “საგაზეთო ცოცხალი ენა ჩენ მწერლობაში იმერლებმა შექმნეს, აკაყიმ, გიორგი წერეთელმა, ნიკო ნიკოლაძემ, უზრნალისტიკის პირველი პიონერები ისინი იყვნენ” (დ. მესხი, 1940, გვ. 71).

ჩვენი საკვლევი თემიდან გამომდინარე, ყურადღება გავამახვილეთ ქუთაისში გამოშავალი პოლიტიკური პარტიების პერიოდულ გამოცემებშე, რომელთაც შენიშვნულოვანი საინფორმაციო-სააჭირო ტემა ითავსუს არჩევნების

მომზადებაში, ესენია: ეროვნულ-დემოკრატიული პარტიის ქუთაისის ორგანიზაციის პერიოდული ორგანო “ჩვენი ქვეყანა”, სოციალ-ფედერალისტური პარტიის გაზეთი “ხალხის მეგობარი” და სოციალ-დემოკრატიული პარტიის პერიოდული გამოცემა - “სოციალ-დემოკრატი”.

გაზეთები მკაფიოდ გამოხატავდნენ თავიანთი პარტიების პოზიციებს და წინასაარჩევნო მარათონში ჩატარებული მკვეთრად აკრიტიკებდნენ სხვა პარტიების სამოქმედო პროგრამებს.

ქუთაისში მოღვაწეობდა ეროვნულ-დემოკრატიული პარტიის ძლიერი ჯგუფი. მათი პერიოდული ორგანო “ჩვენი ქვეყანა” გამოდიოდა 1917-19 წლებში.

გაზეთი იცავდა იმ მიმართულებებს, რომელიც მექანიზრებით მიიღო 1915-17 წლებში ქუთაისში გამომავალ გაზეთ “სამშობლოსაგან” (გრ. იარალოვი, 1988, გვ. 80). გაზეთ “ჩვენი ქვეყნის” რედაქტორი იმყოფებოდა ახლანდელი თამარ მეფის ქუჩაზე, სოლომონ მიქელაძის სახლში, იბეჭდებოდა სტამბაში - “შობა”. თავდაპირველად გაზეთის გამომცემელ-რედაქტორი იყო ვექილი დ. კვირკველია; 1919წ. კი გაზეთს სათავეში ჩაუდგა სარედაქტორ კოლეგია, ცნობილი პუბლიცისტის ვასილ წერეთლისა და კონსტანტინე კაპანელ-ჭანტურიას ხელმძღვანელობით (მ. თადუმაძე, 2010, გვ. 21).

გაზეთს რთულ პირობებში უხდებოდა მუშაობა: ეკონომიკური სიძნელეები, მწირი შესაძლებლობები, ქალაქის სიმცირე აიძულებდა რედაქტორის შეემცირებინა ფორმატი, მიუხედავად ამისა, გაზეთს მტკიცე პოზიცია ეჭირა და დროულად აანალიზებდა იმდროინდელი ცხოვრების საჭიროობობრივ საკითხებს.

ეროვნულ-დემოკრატიული პარტიის პროგრამა (განსხვავებით სოციალ-ფედერალისტებისა და ესერებისაგან, რომელიც კომპერაციული მეურნეობების შექმნას ვარაუდობდნენ), ითვალისწინებდა მიწის კერძო საკუთრებისა და ინდივიდუალური მეურნეობების შექმნას.

გაზეთი “ჩვენი ქვეყანა” განიხილავდა და მოსახლეობას აცნობდა ეროვნულ-დემოკრატიული პარტიის მთავარ ამოცანებს, რაც მდგომარეობდა პოლიტიკური დამოუკიდებლობის განტკიცებასა და მყარი დემოკრატიული ინსტიტუტების ჩამოყალიბებაში. რუბრიკაში “დამფუძნებელი კრების არჩევნებისათვის” (30 იანვარი, №5) პუბლიცისტი ვასილ წერეთელი წერს: “სოციალისტებს ხმას ნუ მისცემთ, რადგან მათი მიზანია კერძო საკუთრების მოსპობა... მენტევიკები, ბოლშევიკების მსგავსად, თავის პროგრამაში აცნოდებენ, რომ მათი მიზანია საწარმოო საშუალებათა განსაზოგადოება”, ბოლოს ავტორი მოწოდებით ამთავრებს: “ფრთხილად მოქალაქენო! თუ კერძო საკუთრება და თავისუფლება გიყვართ, მიეცით ხმა ეროვნულ-დემოკრატიულ პარტიას”.

იმავე ნომერში გაზეთი აქვეყნებს დამფუძნებელ კრებაში ეროვნულ-დემოკრატიული პარტიის მთავარ სამოქმედო პროგრამას, რომელიც 12 პუნქტად იყო ჩამოყალიბებული. ჩვენ ყურადღება რამდენიმე მათგანზე გავამახვილეთ:

1. განმტკიცდეს კერძო საკუთრება, რომელიც არის თავისუფლებისა და ქონებრივ-ზნეობრივი წინსვლის საფუძველი.

2. განმტკიცდეს საქართველოში რესპუბლიკური დემოკრატიული წეს-წყობილება. საქართველოს საკანონმდებლო და აღმინისტრაციულ საქმეებს ხალხის მიერ არჩეული წარმომადგენელთა კრება და ამ კრების მიერ აღნიშნული მთავრობა უნდა განაცემდეს.

3. საფუძველი ჩაუყაროს ადგილობრივს, ანუ საერობოსა და საქალაქო თვითმმართველობების, რომელთაც უნდა განავრც ადგილობრივი საჭირები იმ პირაპანისა, რაოდ უზურავესი ჟელაზელებული ეკუთვნოდეს მთავრობას.

8. "შოაწესრიგოს ფულის საქმე", ქართული მთავრობის მთავარი მიზანი უნდა იყოს ქართული ბაზრიდან რუსული ფულის განცევნა, რასაც მწოლოდ სტაბილური გარემო და მყარი ეროვნული ვალუტა შექმნის.

პროგრამაში ყურადღება გამახვილებულია რეგულარული ჭარის, ფოსტა-ტელეგრაფის, განათლების პრობლემებზე და ა. შ.

"ჩვენი ქვეყნის" თებერვლის თვის ყველა ნომერში გამოქვეყნებულია დამფუძნებელი კრების ეროვნულ-დემოკრატიული პარტიის კანდიდატთა 17 კაციანი სია. №1 ამ სიაში - ნიკო ნიკოლაძეა. კანდიდატთა სიაში იყვნენ ცნობილი პარტიული და სახელმწიფო მოღვაწეები: სპირიდონ კედია, გიორგი გვაზავა, გერონტი ქიქოძე, ექვთიმე თაყაიშვილი, კორნელი კეკელიძე, პეტრე სურგულაძე და სხვ.

5. მარტის №33-ში გამოქვეყნებულია ქუთაისის თვითმმართველობის ეროვნულ-დემოკრატიული პარტიის ხმისნების კანდიდატთა სია, №1 პუბლიცისტი - ვასილ წერეთელი.

თებერვლის ყველა ნომრის პირველ გვერდზე გაზეთი მკითხველს ახსენებს პარტიის საარჩევნო ნომერს. მთელ ფურცელზე დაწერილ რიცხვ 2-ს, თან ახლავს, მინაწერის სახით, მოწოდება: "შოაწესრიგნო, ხმა არ დაკარგოთ, მოიხადეთ თქვენი ვალი და ხმა მიეცით ეროვნულ-დემოკრატიული პარტიის სიას".

სოციალ-ფედერალისტური პარტიის პროგრამასა და სამოქმედო გეგმებს მკითხველს აცნობდა თბილისში გამომავალი გაზეთი "სახალხო საქმე", ხოლო ქუთაისის მოსახლეობას პარტიის ბეჭდვითი ორგანო — "ზალხის მეგობარი".

ქუთაისის საგუბერნიო კომიტეტის გაზეთის პირველი ნომერი გამოვიდა 1917 წ. იგი წარმოადგენდა 1915 წ. გამოშავალ სოციალ-ფედერალისტთა საპოლიტიკო და სალიტერატურო გაზეთ "შეგობრის", ხოლო 1916 წ. კი "ჩვენი მეგობრის" გაგრძელებას. გაზეთი სავსებით აღიარებდა პარტიის იდეურ კონცეფციას. გაზეთის სათავეში სარედაქციო კოლეგია ედგა (მ. თადუმაძე, 2010, გვ. 27).

სოციალ-ფედერალისტური პარტიის მთავარი მოწოდება იწყებოდა ასე — "საქართველოს მშრომელ ხალხს". პარტიის მთავარ მიზანს წარმოადგენდა სახალხო რესპუბლიკის ჩამოყალიბება, მუშებისა და გლეხების სოციალურ-ეკონომიკური მდგომარეობის გაუმჯობესება. პარტია იბრძოდა პოლიტიკური და მოსახლეობლობისათვის; მათი ხელვით, საქართველოს მშრომელების, სახეობრივი ერთად უნდა აეგოთ სოციალიზმი ანუ სოციალური სამართლიანობის საზოგადოება.

"ზალხის მეგობარი" 18 და 19 იანვრის ნომრებში (№353, 354) აქვეყნებს დამფუძნებელი კრების 40 პუნქტისაგან შემდგარ მთავარ დებულებას, რომელიც ქმნიდა საქართველოში დემოკრატიული სახელმწიფო სტრუქტურების ჩამოყალიბების იურიდიულ საფუძველს.

ჩვენ ყურადღებას ვამახვილებთ მეორე პუნქტზე, რომელშიც მითითებულია, რომ დამფუძნებელი კრების არჩევნებში მონაწილეობის უფლება აქვს რესპუბლიკის ორივე სქესის მოქალაქეს. დემოკრატიული საქართველოს კანონმდებლობა ერთ-ერთი პირველია იმ ქვეყნებს შორის, რომელმაც ქალებს მისცა საარჩევნო ხმის უფლება.

11 თებერვლის №372 გამოქვეყნებულ სტატიაში — "დამფუძნებელი კრება", ყურადღისტი ძერულისპირელი აღნიშნავს საკანონმდებლო მინიჭებულობას ქვეყნისათვის: "ჭართველ ერს უდიდესი შოშენტი უდიდესი... რევოლუციის შემდგა

არც ერთ არჩევნებს არ ქონია ასეთი უდიდესი მნიშვნელობა, რომელიც დღევანდელს აქვს, ამიტომაც მოვუწოდებთ მოქალაქეებს სიფრთხილე გამოიჩინონ ხმის მიცემის დროს... ჩვენი პარტია დარაჯად დაუდგება საქართველოს რესპუბლიკის საზღვრების ხელშეუხებლობას და მის თავისუფლებას".

პუბლიცისტი ასლანიშვილი 1 თებერვლის (№364) სტატიაში: "დამფუძნებელი კრება და ჩვენი მომავალი", აღნიშნავდა: "დღეს როდესაც მოვგიახლოვდა ჩვენ საქართველოს დამფუძნებელი კრების არჩევნები, დღეს უნდა გაისმას ნამდვილი ხმა ქართველი მშრომელი ხალხისა, რომელმაც უნდა ამცნოს მსოფლიოს, რომ საქართველო მუდამ იღვწოდა თავისუფლებისათვის..."

უურნალისტი გ. ჭუბურიძე სარედაქტოი სტატიაში "ჩვენ და სოციალ-რევოლუციონერები" განმარტავს სოციალისტური მიმართულების პარტიებს შორის იდეური განსხვავების მთავარ მიზეზს: "სოციალ-რევოლუციონერებისა და სოციალ-ფედერალისტების საწინააღმდევო ბანაკში ყოფნა ეროვნული საკითხის ახსნა-განმარტებასა და გაშუქებაში გამოიხატებოდა... თუმც ვერც სოციალურ და აგრარულ საკითხებში ეთანხმებოდნენ ერთმანეთს" – აღნიშნავს ავტორი (მ. თაღუმაძე, 2010, გვ. 29).

სოციალ-ფედერალისტთა პარტიული სია 120 კანდიდატისაგან შედგებოდა, მათ შორის იყო 4 ქალი. სიაში პირველ ნომრად სახელდება გიორგი ლასჩიშვილი.

15 თებერვლიდან (№376) ყველა ნომერში გაზეთი პირველ გვერდზე აქვეყნებს მთავარ მოწოდებას, რომელიც შემდეგნაირად გამოიყურება. გრაფაში ჩასმულ რიცხვ ხუთიანს, ირგვლივ ახლავს წარწერები: "აი რა უნდა მეხუთე ნომერს, აი ამისთვის იბრძვის მეხუთე ნომერი". მთავარი დევიზი წერია ფართო შრიფტით: "პური, მიწა, თავისუფლება". იქვე მინაწერია წვრილი შრიფტით: "სამშობლო, რევოლუცია, ინტერნაციონალი". დევიზს ახლავს წარწერა: "მიწის მუშებო, თუ გინდათ თქვენი შრომის ნაყოფი თქვენვე დაგრჩეთ, მიწა მას ქონდეს, ვინც მას დამუშავებს... მშრომელნო, თქვენს ინტერესებს დამფუძნებელ კრებაზე საუკეთესოდ და მეღვრად დაიცავს საქართველოს სოციალ-ფედერალისტური პარტია და ამიტომ ხმა მეხუთე ნომერს მიეცით".

არჩევნებში აქტიურობით გამოირჩეოდა სოციალ-დემოკრატიული პარტია. თბილისში გამომავალი გაზეთი "ერთობა" (1919 წ. 12 იანვრის მეწინავე სტატიაში) წერდა, რომ სოციალ-დემოკრატებს ბრძოლა სამ ფრონტზე მოუწევს. მან სათანადო პასუხი უნდა გასცეს ყველა ეროვნების ნაციონალისტებს, დაუბირისპიროს მათ მშვიდობა-თანხმობა (საქართველოს ისტორია, IV, 2012 წ. გვ. 230).

იმ პერიოდის საარჩევნო, სააგიტაციო პროცესში წამყვანი საშუალება იყო ბეჭდვითი სიტყვა. სოციალ-დემოკრატიული პარტიის ქუთასის ორგანიზაცია გამოსცემდა იმავე სახელწოდების გაზეთს – "სოციალ-დემოკრატი". იგი იბეჭდებოდა 1919-21 წლებში. გაზეთის რედაქტორი მდებარეობდა ბალახვნისა და პუშკინის ქუჩის კუთხეში. გაზეთის რედაქტორ-გამომცემელი იყო ცნობილი პოლიტიკური მოღვაწე გრიგოლ ურატაძე, ხოლო ფაქტობრივი რედაქტორი, პუბლიცისტი და მკვლევარი – ვიქტორ ნოზაძე.

13 თებერვლის (№34) სარედაქტო წერილში გაზეთი წერდა: "რთულსა და ძნელ პირობებში გვიძებება დამფუძნებელი კრების არჩევნების წარმოება, თავს გვესხმიან გარედან, მახვილს ლესენ შავი გენერალი დენიკინი და ოსმალო შეკეტი. ამ არა შავ ძალას დამფუძნებელი კრების არჩევნებთას ერთად უნდა

გაუმჯობელავდეს ქართველი ხალხი”. ავტორი აგრძელებს ქვეყნის შინაპოლიტიკური ვითარების ანალიზს და ორი შხავებს: “შინაური ბრტყელი ჩევნი მეტოქეები არიან: ყველა ჭურის ეროვნულ-დემოკრატიული და სხვა ნაციონალისტური პარტიები”. სტატია მთავრდება მოწოდებით: “ზაშ ამომრჩევლებო, ნუ დავკარგავთ იმას, რაც გვაქვს, მოვაროთ მიწას, თავისუფლებას, საქართველოს დამოუკიდებლობას, არ დაკარგოთ არც ერთი ხმა, მიეცით იგი პირველ ნუმერს”.

წინასაარჩევნო პერიოდში გაზეთი “სოციალ-დემოკრატი” განსაკუთრებულ ყურადღებას ამახვილებს პარლამენტის მიერ შემუშავებულ მიწის კანონპროექტზე, თავგამოდებით იცავს მას და მოუწოდებს მოსახლეობას მხარდაჭერისაკენ.

სოციალ-დემოკრატიული პარტია სააგიტაციოდ მათვეს დამახასიათებელ ნაცად მეთოდს მიმართავდა — ქუთაისის სხვადასხვა უბნებში ეწყობოდა მუშათა და გლეხთა კრებები, ტარდებოდა მოხსენებები და მოწოდებები დამფუძნებელი კრების აჩევნების შესახებ, რასაც აქტიურად და დროულად აშუქებდა გაზეთი “სოციალ-დემოკრატი”. საარჩევნო კამპანიის დაწყებასთან ერთად, გაზეთი, თავის ყოველ ნომერში აქვეყნებდა პარტიის 130 კაციან სიას, მათ შორის იყო 6 ქალი. სიაში — №1 ნოე ერთდანია.

გაზეთი ასევე აქვეყნებდა დამფუძნებელი კრების მთავარი საარჩევნო კომისიის შემადგენლობას (№28, 29, 34).

ყველა ნომერს თან ახლდა მოწოდება მსხვილი შრიფტით: “მოქალაქენო, მიიღეთ მონაწილეობა დამფუძნებელი კრების არჩევნებში და ხმა მიეცით №1”.

რაც თვისობრივად ამსგავსებს საგაზეთო პუბლიკაციებს, არის ის, რომ საარჩევნო აგიტაცია, ძირითადად, მაინც მოწინააღმდეგე პარტიების სამოქმედო პროგრამების კრიტიკითა და განქიქებით მიმდინარეობს.

განსაკუთრებით ძლიერი იდეოლოგიური დაპირისპირება მიმდინარეობდა ეროვნულ პარტიებსა და სოციალისტური მიმართულებების პარტიებს შორის. განხეთქილების მთავარ მიზეზს ეროვნულ-დემოკრატიულ პარტიასა და სოციალ-ფედერალისტებს შორის, ავტონომიის საკითხი წარმოადგენდა (გ. მჭედლიძე, 1993, გვ. 451), ხოლო წინააღმდეგობა ეროვნულ-დემოკრატებსა და სოციალ-დემოკრატებს შორის, კერძო საკუთრებისადმი დამოკიდებულებაში მდგომარეობდა.

ეროვნულ-დემოკრატიული პარტიის ქუთაისის კომიტეტის გაზეთი “ჩვენი ქვეყანა” (1919 წ. 30 იანვრის, №5) — სტატიაში “დამფუძნებელი კრების გარშემო” — მენშევიკურ პარტიის ბოლშევიკურს ადარებს და ამომრჩევლის სიფრთხილისაკენ მოუწოდებს: “ზმას თუ მისცემთ სოციალისტურ პარტიებს, უფსკრულში გადაიჩეხებით” — ვკითხულობთ გაზეთში.

იმავე ნომერში გამოქვეყნებულ ეროვნულ-დემოკრატიული პარტიის პროგრამაში ხაზგასმულია, რომ სოციალ-დემოკრატიულმა მთავრობამ ვერ უზრუნველყო ქართული ფულის სიმყარე, წაგებაზე მუშაობს რკინიგზა და ა. შ. სტატია მთავრდება მოწოდებით: “მართვა-გამგეობა ხელში არ ჩაუგდონ სოციალ-დემოკრატებს, რომელთაც ქვეყანა ეკონომიკური კოლაფსისაკენ მიჰყავთ”.

გაზეთი, ასევე, მწვავედ აკრიტიკებს სოციალ-დემოკრატების მიერ შემუშავებულ მიწის კანონპროექტს და ამომრჩეველს აფრთხილებს: “თუ მათ ექნებათ ხმის უმეტესობა, საფუძველი შეერყყავა კერძო საკუთრებას” (“ჩვენი ქვეყანა”, 29 იანვარი, №4).

საარჩევნო პერიოდში (თებერვლის პირველი რიცხვები) პირველ გვერდს გაზეთი იწყებდა მოწოდებით ამომრჩევლებისადმი — “ზმა არ მისცემ სოციალისტურ პარტიებს”.

საპირისპიროდ სოციალ-ფედერალისტების პერიოდული ორგანო “ზალხის მეგობარი” იღავეს ეროვნული პარტიის წინააღმდეგ და მოუწოდებს: “შექალაქებმა არ უნდა მისცენ ხმა ისეთ პარტიებს, რომლებმაც არაფერი არ გაუყითს ქვეყნას...” სტატიის ავტორი (ძერულისპირელი) ეროვნულ-დემოკრატიულ პარტიის უწოდებს კაპიტალისტების პარტიას და მოუწოდებს: “არც ერთი ხმა №2 [ედ], რადგან მათი გამარჯვებით დაიკარგება რევოლუციით მონაპოვარი”.¹

გაზეთი აგრძელებს პარტიების სამოქმედო პროგრამების კრიტიკას და ბრალს სდებს სოციალ-დემოკრატებს სოციალიზმის იდეებისადმი ღალატში: “სოციალ-დემოკრატები ცნობილია თავისი შეპირებებით და არ ასრულებით. მათ უღალატეს ხალხის ინტერესებს და მიიღეს მიწის შესახებ ბურჟუაზიული პროგრამა” — ვკითხულობთ 11 თებერვლის №372-ის ნომერში.

განსაკუთრებული აქტიურობით მოწინააღმდეგ პარტიების მიმართ, გამოდიოდა გაზეთი — “სოციალ-დემოკრატი”.

1919 წ. 8 თებერვლის №30 ნომერში ვკითხულობთ: “სხვა სოციალისტური პარტიები (სოციალ-ფედერალისტები და ესერები) არ არიან ნამდვილად ხალხის ინტერესების დამცველნი”. გაზეთი მწვავედ იღავეს ეროვნულ-დემოკრატიული პარტიის წინააღმდეგ, უწოდებს მათ “თავადებისა და მღვდელების პარტიას”. სტატიის ავტორი მხოლოდ სოციალ-დემოკრატებს იხსენიებს, როგორც “ზალხის მესაიდუმლესა და გულშემატკივარს”.

გაზეთის 33 ნომერში (12 თებერვალი), სტატიაში: “დამფუძნებელი კრების არჩევნებისათვის”, აღის ფსევდონიმით ცნობილი უურნალისტი წერს: “დამფუძნებელ კრებაში ჩვენებური მემარჯვენე ჯგუფების: ნაციონალ-დემოკრატების, ეროვნული პარტიისა და სხვების გამარჯვება, მათი უმრავლესობის გაყვანა, ეს იმას ნიშნავს, რომ ქართველმა დემოკრატიამ, ხალხმა თვით მოაწეროს საკუთარ სიკვდილის განაჩენზე ხელი... ეს იმას ნიშნავს, რომ გლეხი უნდა გამოეთხოვოს მიწას, მუშა 8 საათის სამუშაო დღეს” და ა. შ.

№34 (13 თებერვალი) ისევ უპირისპირდება ეროვნულ პარტიებს, გაზეთში ვკითხულობთ: “ყველაზე დიდ სატრთხეს საქართველოს დამფუძნებელი კრების არჩევნებში, ნაციონალ-დემოკრატიული პარტია წარმოადგენს” და მოუწოდებს მუშათა კლასს, არ მისცეს ხმა ამ პარტიას.

გაზეთის მომდევნო ნომერი (15 თებერვალი, №36) — ესერთა პარტიის აკრიტიკებს, მიუთითებს, რომ მათ არა აქვთ მტკიცე პოლიტიკა და ტაქტიკა არც ერთ საკითხში.

“სოციალ-დემოკრატის” იგივე ნომერი დაშნაკუცუტიუნს აკრიტიკებს, უწოდებს მათ შოვინისტთა პარტიას. 18 თებერვლის (№37) სტატია მიმართულია ქართველი ბოლშევიკების წინააღმდეგ. საგაზეთო წერილში ხაზგასმულია, რომ ბოლშევიკები გენერალ დენიიქზე უარესად იქცევიან, მუშათა კლასს ამხედრებენ ქართული დემოკრატიის წინააღმდეგ. როგორც აღვნიშნეთ, საარჩევნო-სააგიტაციო საქმიანობა მიმდინარეობდა სხვა პარტიებისა და მათი გაზეთების კრიტიკის ფონზე.

გაზეთის ყველა ნომერი მთავრდებოდა მოწოდებით: “ზმა მიეცით მხოლოდ №1, სოციალ-დემოკრატიულ პარტიას”.

ქუთაისური პრესა აქტიურად ეხმიანებოდა არჩევნებთან დაკავშირებულ, ქადაგებულ მიმდინარე ჟურნალ მაცილების. ქუთაისში წინასასაჩინევნიდა ჩამოდიოდნენ

საზოგადოებისათვის ცნობილი მოღვაწეები. ტარდებოდა საჯარო მოხსენებები საარჩევნო მოვლენების საყითხებთან დაკავშირებით. 6 მარტს (№34) გაზეთი “ჩვენი ქვეყანა” აშუქებს სპირიდონ კედიას საჯარო ლექციას ქუთაისში თემაზე: “საქართველო და ჩვენი მთავრობის პოლიტიკა”.

“ზალხის მეგობარი” (19 იანვარი, №354) ქუთაისის თეატრში შალვა ნუცუბიძის მოხსენების შესახებ ამცნობს მკითხველს. 23 თებერვალს (№382 “ზალხის მეგობარი”) შალვა ნუცუბიძე კვლავ ქუთაისში ატარებს საჯარო მოხსენებას არჩევნების შედეგების შესახებ. იგივე გაზეთი (11 თებერვალი, №372) აკეთებს განცხადებას, რომ იუსტიციის მინისტრი შ. მესხიშვილი გამოდის საჯარო ლექციით: “დამფუძნებელი კრება და საქართველოს თანამედროვე მდგომარეობა”.

რაც შეეხება სოციალ-დემოკრატიულ პარტიას, ამ პარტიისათვის დამახასიათებელი იყო მუშათა კრებების ჩატარება. გაზეთი “სოციალ-დემოკრატი” აშუქებდა ქალაქის სხვადასხვა უბნებში წინასარჩევნო მუშათა კრებების ჩატარების შესახებ. მაგალითად, 9 თებერვლის №31 მუშებს იწვევს კრებაზე, რომელსაც ატარებდნენ მთავრობის თავმჯდომარე ნოე რაშიშვილი და ამხანაგი გოგიტა ფაღავა.

ჩვენ მიერ განხილული პერიოდული გამოცემების ყველა ნომერში გაშუქებულია დასავლეთ საქართველოს სხვადასხვა დაბებსა და სოფლებში მიმღინარე საარჩევნო მზადების შესახებ.

თებერვლის დასაწყისის ბეჭდური მედია ახსენებდა მკითხველს არჩევნების მიმღინარეობის ღრუსა და წესებს; გაზეთები მიუთითებდნენ არჩევნების პროცედურულ მხარეზე. ასევე ხშირად იბეჭდებოდა ქუთაისის საარჩევნო კომისიის განცხადებები (მაგალითად, სად უნდა მივიღეს ამომრჩეველი, რომელსაც არ მიუღია ბარათები და ა. შ.).

პარტიიები პერიოდული გამოცემების მეშვეობით მიმართავდნენ თავიანთ წევრებს და მოუწოდებდნენ მეტი აქტიურობისაკენ. “ზალხის მეგობარი” (15 თებერვალი №376) აურცელებს მოწოდებას: “ამხანაგებო, გასწიეთ აგიტაცია, კერძო საქმეები 15 დღით დაივიწყეთ, მუშაობისაკენ მოგიწოდებთ თქვენ თქვენი პარტია” — ვკითხულობთ გაზეთში.

5 თებერვლის №367 მკითხველს აზცნობს, რომ ქუთაისის სოციალ-ფედერალისტთა ქალთა ორგანიზაცია ჩამოივლის დაწესებულებებსა და უბნებს, რათა შეკრიბოს დღიური შემოსავალი პარტიის წევრებს შორის, დამფუძნებელი კრების არჩევნებისათვის.

“სოციალ-დემოკრატის” 16 თებერვლის №26 პარტიულ ამხანაგებს მოუწოდებს, თითო დღის ჯამაგირი შეიტანონ დამფუძნებელი კრების ფონდისათვის, ასევე მოუწოდებს პარტიის წევრებს გასწიონ აგიტაცია: “ამხანაგებო! დამფუძნებელი კრება ჩვენი ცხოვრების დიდი ისტორიული ფატია, ჩვენ ამ ფრონტზეც უნდა გავიმარჯვოთ” — წერს სოციალ-დემოკრატიული მუშათა პარტიის ქუთაისის კომიტეტი.

ქუთაისური პრესა არჩევნების გარშემო მიმღინარე არც ერთ დეტალს არ ტოვებდა. გაზეთებში იბეჭდებოდა ქალაქში გამოკრული საარჩევნო ჰლატკატების სრული აღწერილობა. საილუსტრაციოდ განვიხილოთ რამდენიმე შესაგანი. სოციალ-დემოკრატიული პარტიის პლაკატები შემოგადნაა. ასევე მოუწოდება მთავრობის მიმღინარეობის შესახებ და მთავრობის მიმღინარეობის შესახებ.

გამოიყურებოდა: 1) გლეხს მიაქვს თავადის მიწა და ლოცავს სოციალ-დემოკრატიულ პარტიას 2) №1 საქანელათი ყველა სხვა პარტიას იშორებს. სოციალ-ფედერალისტური სარეკლამო პლაკატზე გამოსახული იყო, რომ მუშა და გლეხი ყველა ნომერს ყრის, გარდა №5 (სოციალ-ფედერალისტები) და №1 (სოციალ-დემოკრატები) და ა. შ.

დაღგა დამფუძნებელი კრების არჩევნები, რომელიც მიმდინარეობდა 14, 15, 16 თებერვალს, ეს იყო პარასკევი, შაბათი და კვირა დღეები.

მიუხედავად პარტიების, პერიოდული გამოცემების აქტიური მცდელობისა, არჩევნებში მოსახლეობის დაბალი აქტივობა დაფიქსირდა. მონაწილეობა მიიღო ხმის უფლების მქონე მოქალაქეთა ნახევარზე ოდნავ მეტმა. დაბალი აქტივობის მიზეზი შეიძლება ყოფილიყო დაპირისპირება პარტიებს შორის, ასევე ქართველი ბოლშევიკების ბოიკოტი არჩევნებისადმი.

დამფუძნებელი კრების არჩევნები მაინც შედგა. 12 მარტის №56 “სოციალ-დემოკრატი” წერდა: “დღეს საქართველოს დემოკრატიული რესპუბლიკის დედაქალაქში დამფუძნებელი კრება შეიკრიბა, მან მტკიცე საფუძველი უნდა ჩაუყაროს საქართველოს დემოკრატიულ რესპუბლიკას”.

არჩევნებში დიდი უბირატესობით გაიმარჯვა სოციალ-დემოკრატიულმა პარტიამ. დამფუძნებელ კრებაში 130 ადგილიდან მათ 109 მანდატი მიიღეს, 8-8 ეროვნულ-დემოკრატებმა და სოციალ-ფედერალისტებმა, 5 - ესერებმა.

ყველა სახელისუფლო დონეზე, სამაზრო ერობებსა და თვითმმართველობებში უმრავლესობა სოციალ-დემოკრატიული პარტიის წარმომადგენლებმა მოიპოვეს.

სოციალ-დემოკრატები წინასწარი შედეგებით უკვე ზეიმობდნენ. ურნალისტი ვასილ წერეთელი ამაზე ირონიულად აღნიშნავდა, რომ სოციალ-დემოკრატებს “სიხარულით ტარაბუა დაესხათ” (“ზენი ქვეყანა”, №31, 2 მარტი).

თუმცა ხმების დათვლა-დაზუსტება გრძელდებოდა. ზოგიერთ მაზრაში, მაგალითად, დუშეთსა და სენაკში მიმდინარეობდა მწვავე დავა ხმების გამო.

დამფუძნებელი კრების პირველი სხდომა გაიხსნა 1919 წ. 1 მარტს. იგი გახსნა უხუცესმა დეპუტატმა სილიბისტრო ჭიბლაძემ. მეორე სხდომაზე, 14 მარტს მთავრობის საქმიანობის ანგარიშით გამოვიდა ნოე ჟორდანია. თავის გამოსვლაში ჟორდანიამ აღნიშნა, რომ საქართველო შექრდა ბურუუაზიულ ეტაპზე, შექმნა დემოკრატიული სახელმწიფო: “პარლამენტის მთავრობა მიღის და ადგილს უთმობს დამფუძნებელი კრების მთავრობას... მთავარი კითხვა, რომელიც არის გადასადგმელი დამფუძნებელ კრებას, არის მართვა-გამგეობის ანუ აღმასრულებელი ძალის მოწყობა” (შოხსენება გამოაქვეყნა გაზეთმა “სოციალ-დემოკრატმა” — №48, 49, 3-4 მარტი).

ამდენად, ამ დიდი ისტორიული მისიის - დემოკრატიული საქართველოს დამფუძნებელი კრების არჩევნების მომზადებაში, უდიდესი როლი ითმაშა პრესამ, მათ შორის აქტიურობითა და პროფესიონალიზმით გამოიჩინდა კუთაისში გამომავალი პერიოდული გამოცემები.

დამოწმებული ლიტერატურა

მ. თადუმაძე, 2010 - მ. თადუმაძე, 1917-21 წლების ქუთაისის პრესა, ქუთაისი, 2010.

გრ. იარალოვი, 1988 - გრ. იარალოვი, ქართული პერიოდიკის ისტორიისათვის, თბ., 1988.

გ. მჭედლიძე, 1993 - გ. მჭედლიძე, ქუთაისის ახალი ისტორიის ნარკვევები, ქუთაისი, 1993.

საქართველოს ისტორია, 2012 - საქართველოს ისტორია, (XIX – XX) საუკუნეებში, ტ. IV, თბ., 2012

ა. ნიკოლეიშვილი, 1940 - ა. ნიკოლეიშვილი, კულტურა საქართველოს დემოკრატიულ რესპუბლიკაში, ქ., 1996, დ. მესხი, მოგონებანი, თბ., 1940

RUSUDAN KASHIA

CONSTITUENT ASSEMBLY ELECTION ACCORDING TO KUTAISI PRESS

In February 1919 the democratic government of Georgia scheduled the Constituent Assembly election. The Assembly should determine the future of the political directions of the Democratic Republic, adopt the constitution and form the state structures.

The fifteen political parties and groups ran up their election campaign chiefly by means of the periodic press. The newspapers being published in Kutaisi, like "chveni kveqana" (our country) –the edition of the National-democratic party and "khalkhis megobari" (friend of people) published by Social-federalist party and "social demokrati", a periodic edition of social-democrats played significant role in providing important information during the election campaign.

The newspapers printed action programs and declarations of the political parties for the voters. They provided list of candidates for the Constituent Assembly. The articles had much in common in the sense that the parties were chiefly engaged in criticizing the programs proposed by the competing parties and extending diatribes against one another. Bitter ideological contradictions took place between the national oriented and socialist profile parties.

Kutaisi press actively responded to every event related to the elections. The newspapers instructed and reminded people about the rules of conducting and participating in the elections. Political parties addressed to their members through the newspapers and urged them for their active participation.

The printing media had played an immense role in carrying out the Constituent Assembly election in Georgia, among which the newspapers published in Kutaisi were singled out by their active positions and professionalism.